

憲章外史續編

嘉靖...卷之三

太學生臣許重熙編次

丁酉十六年春正月癸卯皇三子生康妃杜氏出也是  
爲莊皇帝○御史張景劾祭酒許成名司業童承叙  
下吏部議尚書許讚留用之

三月御史游居敬奏湛若水一迂腐之儒耳私割書  
院爲不經之行命有司毀之○議建離宮于沙河  
夏四月議討安南自黎利得國六傳至暉爲其臣鄭  
惟鏐所弑諒山將陳暘殺惟鏐自立陳真逐之立暉  
兄子讓暘將莫登庸自拔歸讓以功封武川伯鎮海

陽已遂典兵尋妻譙母生應譙忿起兵攻之敗走清  
華登庸卽立應復醜之自立爲帝改元明德嘉靖九  
年傳位于子方瀛自稱太上皇又破清華逼譙走老  
嫗故臣黎峒立譙子寧保清化之本州遣臣鄭惟  
條來奏上欲討之以郭勛議不合止及皇子生頒  
詔外國大學士言請問安南罪下廷議紛然莫決戶  
侍郎唐胄獨謂帝王之天下夷狄不治治之夷狄相  
攻中國之利也不當征伐爲夷狄復仇上竟  
主討議勅邊臣先體勘之○宥戍邊諸臣還籍楊慎  
王元正劉濟豐熙邵經邦馬錄馮恩呂經不宥給事

中田濡言濟已死。熙年近七十。乞宥此七人。各與生還。或將慎錄二人量移近地。不許。

五月謹身殿災

秋七月南禮臣霍韜劾文選郎楊育秀賄賂公行。每承舍求書奏疏。先餽二十金。方爲妝用。許讚謂吏部嚴重清議俱存。承舍開納止八十金。而以二十金求入書奏。有無亦易見矣。上責讚回護奪俸。育秀降外。革去承舍。止用國子生。

八月南科臣尹相劾霍韜悖慢怨望。丁祭先期習樂。縱飲于太常。取魚湖中。移酌松下。有戾官常。上惡。

韜襲命奪俸。○雲南巡撫汪文盛招安南夷人刁鮮  
爲間會莫登庸亦遣阮璟八人入雲南偵事。鮮執之。  
獲僞印一方。僞大誥一道。文盛疏聞。降勅嘉之。○陝  
西總制劉天和請自徐斌水至鳴沙州百二十里改  
築新邊。移紅寺堡于邊內。兵部張瓚言先年棄河套。  
遽爲虜巢。今復欲捐地。退失非計。上曰。移築邊垣。  
重勞邊人。迄無成功。天和擅興妄議。姑奪俸。

九月應天呈到試錄。禮臣巖嵩劾其批語下不填名。  
爲大不敬。大學士言謂發策以戎祀爲問。語多訛誣。  
遂命逮典試官江汝璧。歐陽衢于詔獄。所取貢士不

許會試。○戶尚書梁材覆詹事顧鼎臣所奏蘇湖七府田賦甲天下而都圖總胥那移飛灑欺官蠹民嘉靖六七年兩勅清覈未有奉行宜咨撫按督率清理從之。

冬十一月禮臣嚴嵩摘叅廣東試錄體存用利等語叅錯不經黃郊紫微碧虛子荅尤詭異上怒逮監臨御史余光法司卽訊。

十二月武定侯助請以其祖英侑食高廟廷議不可助奏曰往年劉基侑饗以文臣故舉朝翕然臣祖武臣乃紛紛阻忌上是之命英從祀先是功臣位

次各以爵序。及基入，乃以伯爵位公侯上。上不悅，曰：「何上基而下英也？」于是通二祖功臣以爵序。升河間東平于黔寧之次。英次俞胡張趙耿下。基次永義侯下。初夏，言奏曰：「禮有功宗之祀。唐高祖至憲宗，宋太祖至光宗，代或三四人。魏徵李沆司馬光皆文臣，不皆武功。二祖開創，故有功臣。仁宗以後，豈無徵沆其人者？乞考求六朝文武大臣，功澤顯著者從祀。」上不許。

戊十七年春正月壬寅，甘露降龍溪縣。福建巡按李元陽奏之。

二月戊辰 上如天壽山 丙酉還京。

三月賜茅瓚等進士。初閣臣擬吳人陸師道爲元。

御筆改二甲第五。仍取袁煒爲元。宣制後復召閣臣入。改煒第三。擢瓚第一。○給事中呂應祥奏曰。大同兩因兵變。競效頽靡。官吏以倉場爲奇貨。商人視盤驗爲虛文。經收監收。誨盜啓奸。乞將各犯早正典刑。以祛宿蠹。從之。

夏四月。南北畿山陝湖福大旱。京城饑民流聚。發帑賑貸。○武定侯勛條上通選法。用人材。立稽考。惜民財。蘇困苦諸事。因欲復鎮守內臣。革監收錢穀科道。



官下廷議。戶尚書李廷相言。科道以諫議糾劾爲職。監收錢穀。實非所宜。兵尚書張瓚言。皇上初詔內臣盡革。還京。及林富黃鍾等前後奏。稱饕餮殘酷。剝喪元元。俱奉明旨。永不差遣。且原非皇祖舊制。不敢輕議。上曰。內臣姑暫選用。不許作威喜事。兩京內府錢穀。原無科道監收。卽令革去。

熙按言官旣以言爲職。則百司有不當者。皆當奏劾。若復侵百司事權。則百司職掌謂何。且又何以言官名也。肅皇之革去監收。而後言者任者爲各得其職矣。

庚戌。上如平臺山於。文皇駐蹕之所。構亭名曰

聖蹟。壬子躬祀。文皇于亭中。辛亥行宮有火。延熾

夏。言行帳。癸丑御沙河官。頒從臣食。甲寅還京。○甲

子大雩。上以春夏不雨。躬禱雩壇。御製祝文。蒸之

不應。上復于宮中默禱。已巳大雨。羣臣表賀。

五月尚書許讚奏。近來有司官將朝廷學校廢壞不

修。別起書院。徵取師儒會講。初發則一邑治裝。及舍

則羣邑供億。科擾尤甚。已經御史游居敬奏行撤毀。

如仍有建立者。撫按據實叅劾。上命申飭之。○通

州同知豐坊奏曰。孝莫大于嚴父。嚴父莫大于配天。

獻皇帝宜享明堂配

嚴嵩曰明堂之禮

其制其地諸儒衆說不同詩傳以爲萬物成形于秋故秋祀明堂以父配之漢唐宋皆然主親親也至程朱所論則主功德今以功德則宜配文皇以親則

宜配獻皇揆以嚴父之旨以皇考而不得配陛

下容有未安者然未有配天而不稱宗稱宗而不祔

太廟者上曰明堂秋饗宜于奉天殿行之嵩復議

曰皇考稱宗侑饗允合周道上嘉納之○張孚敬

居家病廢其從子郡竊勢自美里中苦之巡按周

員請逮治郡孚敬亦疏汝員不職郡寢不問○南

龍江衛官陳欽陳憲允運江西漕米勒索社首濕袴  
籌會錢不盡如意縱卒捶朴社首并辱縣官監允鄭  
質夫檄禁并歐質夫傷額巡撫胡岳上聞命收欽憲  
付總漕都御史問。

秋七月禮臣嚴嵩奏曰。太宗事同開創宜稱祖以  
別羣聖。○慈寧宮成。

八月顏鼎臣爲大學士叅閣務。○給事中馮亮奏請  
查革十庫內臣。

九月夏言擬上。太宗爲烈祖孝皇帝。上不從。定  
爲成祖。辛巳恭易廟號。奉皇考爲睿宗。癸未祔主。

于太廟辛卯大饗上帝于玄極殿奉 睿宗配禮成  
宴群臣于謹身殿○乙未 上如沙河視建離宮  
冬十一月丁亥朔 上詣園丘上昊天上帝號爲皇  
天上帝因詣太廟崇薦 太祖爲開天行道肇紀立  
極太聖至神仁文義武峻德成功加薦高皇后爲孝  
慈貞元哲順仁徽成天育聖至德大賚覃恩布詔天  
下詔文各款內一尊傳註有非詆朱熹者科道指名  
劾之一清大計果有正直廉潔材器超卓爲權奸排  
陷者從公舉薦起用○給事中顧存仁條上五事  
上怒廷杖六十發口外爲民

十二月庚申章聖太后崩。上謚曰慈孝獻皇后。○  
申李時卒。謚文康。○遣尚書黃綰學士張治宣諭安  
南。未入境召還。

己亥十八年春正月進夏言少師。顧鼎臣少保。○初遷  
陵之議起於革黜官。隨全錢子勲以張璁不可而止。  
既而庖人王福千戶陳昇監生詹啓武舉杜承美削  
籍。兵馬周密諸生蕭時用先後以遷陵爲請。尚書汪  
鉉亦言之。夏言在禮部力陳不可。尋上幸天壽山。  
見長陵西南大峪草木鬱茂以爲吉壤。卽勅禮王部  
移建顯陵其地。比章聖崩復勅太師郭勛知山陵。

事尚書蔣璠調度工作速完大峪陵功欲遷附焉尚書嚴嵩阿上意極力從與已有言顯陵山川之勝者上乃下詔欲巡承天躬閱山陵擇于二月望日子夜發京科道曾烜劉士賢各奏留不報尚書許讚疏勸慎動上切責之○起故大學士翟鑾爲行邊使分勞沿邊將士○命夏言顧鼎臣遴選東宮官

二月辛丑册立皇子載壑爲皇太子載諱爲裕王載圳爲景王○命皇太子監國年四歲矣以顧鼎臣輔之○乙巳景雲見○張孚敬卒上按謚法取危身奉上曰忠特命謚之孚敬以議禮得君驟貴恃寵驕

元屢干上怒尋逐尋召蓋章聖欲留之也故終童  
聖之世眷遇不衰其禔躬峻潔朝野肅然足爲嘉靖  
輔臣之冠而報復大狠之歎不悔致仕居家以私役  
民取廢寺建朝闕亭寶綸樓與推官李夢祥迂巡按  
周汝員至稍裁抑其家孚敬奏汝員爲夢祥報讐汝  
員坐回籍

熙按孚敬得君累朝無與爲比而以私役民夫之  
故一推官能抗之後來院司阿奉不遑惟事殺民  
助祿真可嘆已

甲寅 上發京師南巡少師言學士陸深尚書許讚



李廷相嚴嵩楊志學武定侯郭勛等扈從。○乙丑次彰德。趙王朝于行宮。○丁卯次衛輝。汝王祐棻入朝。上避座受之。○中夜火歛起。侍衛倉卒不知。上

所在。錦衣指揮陸炳排闥入。負上出御乘輿。宮婢內臣焚歿十餘人。法物寶玉多燬。命將該府官吏止。留一人護印。餘俱縛付前驅。押行示衆。○抵亢河。墮行殿。復災。命逮河南巡撫易瓚。巡按馮震。二司官姚文清龐浩等。詔獄。悉黜爲民。○命禮官凡經過道途。有附近嶽瀆。及古帝王聖賢祠墓。分遣官祭。○斷藤峽。捷音至。初侍郎蔡經集諸司議發兵。叅將沈希儀

謂當用八萬人。副總兵張經謂用萬人。副使翁萬達是希儀議。會欲征安南不果。公丁益肆劫掠。溇人苦之。萬達密令百戶許雄以計給之出。公丁信之。乃赴叅議田汝成自白。汝成慰遣之。市民被虐者擁公丁群譁。邏卒併繫入。置公丁獄。使人諭諸徭。以公丁寇堡罪。諸徭群首蠶由公丁。檻致公丁于經所。磔之首。惡既戮。乃令張經進兵。與指揮高乾分將左右軍。左軍攻紫荊石門梅嶺木昂藤冲大坑等巢。右軍攻碧灘羅溪上中下峒等巢。賊東走。王良輔擊之。賊中斷。西奔。斬首一千二百。追至羅連山。又斬級百餘。萬達

移兵勦古陶小田諸獫狁順者千餘人藤峽復平奏  
改武靖州爲千戶所以三縣狼兵隸之提聞進經官  
一級

三月庚午 上次鄭州伊王周世孫來朝辛未次鈞  
州徽王來朝故少保賈詠失朝奪散官乙亥次南陽  
唐王來朝巳卯至承天府御舊邸壬午謁 顯陵夜  
祀龍飛殿乙酉祀 顯陵丙戌楚王來朝戊子 上

閱 顯陵御製宣論文示群臣而遷祔之議始寢○  
學士廖道南時居憂以緋衣朝見獻南巡江漢賦景  
雲頌 上命賜酒食已而怒其衣緋奪官不叙○辛

卯 上回鑿免承天府田賦三年。湖廣明年什之四。  
河南什之三。

夏四月己亥 駕次榮澤。鈞鄭大饑。野殍相望。大學

士夏言京山侯崔元以賑請。上爲動容。命發白金

二萬賑之。復問曰。能活萬人否。言奉命傳示于外。○

庚戌次良鄉。離宮適成。遂臨幸焉。○望日壬子 駕

到京。由宣武門入。御文華殿。命禮官奏告太廟及

奉先殿。御奉天殿受朝。諭停大峪工役。○初夏言

選官寮郎中白悅。皇甫湊。御史胡守中。皆在選中。給

事中劾其不公。章寢未覆。而悅湊禮部宜從行者。以

擬改司直不行。及駕至承天，願賜諸臣中官按籍唱名。悅、泮不在。給事中丁湛劾悅、泮，黃緣華階，避不扈從，大不敬。上怒，奪二人官二級，補外。○言當草居守官勅，未白至承天，有密奏，不用原賜印記。上不懌，命錄上原進文字，又不卽上。及還朝，始以居守勅稿呈覽。上曰：爾所職何事？此稿乃今方呈耶？言輸罪。上曰：夏言小臣，不次擢用，而乃自恣不恭，日選官寮，多不稱任，密疏又違式，不奉原賜印記，其歷年諭劄及印記，俱令繳上。言奏曰：印記特賜嘉旌，諸劄親灑宸翰，乞矜愚賜臣，願別加罪罰。上大怒曰：

言既寶君命。何數日不繳。必有殘壞者。禮部卽括取呈進。姑念贊議郊典。革去勲階少師。以尚書致仕。○言官劾顧鼎臣私其鄉人調補不問。○御史謝少南奏慶都有堯母陵存。乞賜表揚。上曰。帝堯父母異陵。可見合葬非古。少南建白可嘉。改授左春坊左司直兼翰林檢討。○夏言歸行至潞河灣。召還。以爲少傅。復入內閣。○庚申彗見。

五月立興都留守司于承天。統顯陵承天二衛。比中都。○甲申發慈官往葬承天。尚書溫仁和同內使護從靈輜。由會通河遡舟南去。○更選宮寮。就夏言選

內崔銑黃佐羅洪先唐順之皆起廢自家人無異議  
其周琬所劾八人白悅皇甫湜謫外胡守中陞僉都  
學士華察胡經屠應峻郎中薛儵主事史際仍守原  
官科道復論侍郎費宗給事中呂懷黃易皆夏言私  
親亦命守原官閣臣舉副使徐階爲洗馬考功郎任  
瀚爲司直文選主事周銑爲清紀郎兼侍書編修趙  
時春王同祖兼校書胡守中兼詹寺丞○給事中錢  
薇奏官寮不宜用奔競之徒不欲顯摘上曰旣云  
所選非人又不明言何奸如之令削籍

六月丁酉朔雷震奉先殿○御史桑喬劾嚴嵩遷諱

字生。公行賄賂。嵩力辯。上曰。卿前所云。今人臣皆  
觀望禍福。必使人主孤立自勞。此言已盡。給事中吳  
汝霖劾嵩飾辭強辯非體。上是之。令大臣被劾者  
勿辯。

秋閏七月丁酉葬獻皇后。○南京尚書霍韜郎中鄒  
守益各獻東宮聖學圖。上惡其語多回隱。姑宥之。  
○安南莫登庸遣其臣范正毅賫文自列于沐朝輔。  
詭言黎民已絕。慮與群臣議。付印其子。令主國事。其  
不上表者。陳昇據諒山道便。且關吏不納耳。朝輔奏  
之。上不信。命尚書毛伯溫總制。咸寧侯仇鸞爲將。



軍率師進討。○尚書邵元節卒。龍虎山道流也。以符籙倖由致。一真人加銜贈少師。謚文康榮靖。○進封郭勛。胡國公。○召霍韜掌詹事府。韜赴京。道遇太監張禧。貢鮮舟。還。巖其原符止一舟。而用八艘。挽卒千人。取供郵傳。每傳需銀五十兩。總計二千餘金。韜簿錄以聞。

八月大計京官。計期皆以二月。以上南巡故奏移之。都御史王廷相至吏部。大言曰。郎中費完宜首黜。大學士言聞之。卽爲之請。廷相許之。蓋完女妻言子。子天婦孀。宜言所力解者。旣而殿最吏部諸郎。廷相

首黜史際尚書許讚難之。廷相曰：際奴顏于夏氏，不黜何以戒庶官？吾言黜完，正爲際塞夏求耳。讚大服。屯田御史錢籍自知見黜，乃許考功郎章袞。上曰：籍旣黜，何得稱御史？第已削籍，姑免流放。○上諭禮部：權命東官監國，重務仍奏請。朕少假一二年調養，親政若初，不敢又取逸耳。太僕卿楊最奏曰：陛下之自托修養，不過惑方士之言，欲爲仙耳。堯舜之世無仙人，豈堯舜之智不能學仙哉？孔子謂老子猶龍，卽仙也。孔子非不知老子之仙，不可學也。皇宮內院豈有白日昇天者哉？伏望皇上端拱穆清，恭默

思道以純心契天心。以孝念格玄穹。不遁聲色。保復元陽。不期壽而萬有千歲矣。黃白之術。金丹之藥。不可服用也。上覽疏大怒。廷杖之。最年老。遂歿杖下。

○虜酋青台吉與哈刺那林二台吉駐牧塞上。時竊躡入。叅將賈英見虜少。猝薄之。遇伏發。喪亡將士千人。馬千匹。虜遂大入。掠人畜萬計。總兵江桓不敢出。事聞。奪桓官。○湛若水奏請討安南。策反覆千言。謂不動聲色。自爾平定。欽州知州林希元亦疏用兵策。謂以瓊海之師擊其南。福建湖廣出兩路。攻都齋。則無巢穴。廣西雲貴兩路。攻龍編。則根本拔。大畧皆紙

上陳言非可用爲謀國者。僉事李默遺書希元曰：欽州非用武之地。君貌非封侯之相。蓋湛林講學附王守仁功名自負者。

冬十月總兵梁震築大同五堡募卒三千戍之。震家卒數千勇悍善戰。虜畏之遠徙。大同遂少邊患。尋震卒。收籍僅二百人。餘皆走降虜。

十一月南御史黃正色劾尚書溫仁和護送慈宮沿途大爲民害。仁和亦奏正色乘馬過慈宮舟前。上怒。逮正色戍邊。○新城知縣吳瓊妄納一惑。後妻訐子者。瓊支解其子。御史金清覈其子非不孝。以枉狀

聞。上怒。瓊擅磔無辜人。廷杖一百。發邊戍。○句容  
人都御史王暉奏。句容朱家巷爲帝祖鄉。乞覈實。  
上然之。勅應天巡撫夏邦謨等覈訪巷址所在。僉  
云歲久難覈。事遂寢。

十二月虜入榆林。殺守將宋隆。又入宣府。守將江桓  
不出命。逮桓詔獄。○有和陽衛舍餘謀襲祖爵。殺其  
兄子者。因命凡遇爭爵相戕。雖有別支。槩行革襲。著  
爲令。○河南饑。

唐十九年春正月。行邊使翟鑿歸。以原官入閣。○刑  
部郎劉汝楠爲湖廣提學。御史舒鵬翼劾其所爲文。

畔經離道。如白晝魔語。不可以程士。乞與近年張鯤江以達一併斥逐。以端士習。特命部議懲戒之。初以達主試福建。汝楠以險語置首解。故鵬翼論及云。○御史馮彬奏曰。薊州一邊起自居庸。延及山海關。橫亘五百里。環拱京畿。爲要地。國初置大寧都司于喜峯口外。西聯宣府。東接遼陽。儼然藩屏之重。成祖念朶顏三衛從靖難有功。乃徙都司于保定。而以其地畀之。已已之變。三衛實包藏禍心。近年益爲窺伺。不可不慮也。宜專遣大臣一人經畧。○御史謝瑜劾嚴嵩每事索賂。惟賄是聞。巧佞誣罔。

二月御使姚虞上流民圖。河南勛襄饑民數萬聞  
天工作。悉來應募就役。不能容收。餓死者枕藉相  
郵。○霍韜請以薛瑄從祀孔子。不報。○  
○命修營舊邸宮殿。

庚卯朔日食。○命營西苑仁壽宮。時所修慈慶  
宮。景陽宮。壽宮。離宮。皇穹宇。崇穹壇。奉天殿。謹身殿。  
工皆未完。科道朱憲金燦請停新工。以寬民力。上  
怒。命俟訖。工日治罪。○虜寇榆林塞。破清平堡。入米  
脂城。殺掠人畜萬計。總兵周尚文弗敢擊。虜退。追斬  
殘虜。以捷聞。虜又入宣府塞。破馬營諸堡。○湖廣盜

起江華羅川竹谿各嘯聚拒殺主簿巡簡等官

夏四月京城中黃霧四塞忽暴風起西北勢如崩崖  
文德坊西長安坊柱俱折命集議防邊科道劾尚書  
張瓚貪鄙不稱本兵不報○雜谷刺麻僧日藏統僧  
衆千二百五十人入四川求貢都司送十五人至京  
貢珊瑚瓊瓊等物命量賞之仍劾違例起送官罪○  
沙寇黃良秦璠竊據江陰之馬駝沙時丹陽運道阻  
塞漕舟自奔牛入孟瀆達江良璠扼孟瀆口掠漕舟  
七殺運卒千人又劫商船官兵逐之爲其所殺甚衆  
得捕盜官于橋射殺之遠近震駭南科臣楊雷劾鎮



令張璠周寧不濟漕渠致運舟冒險遇寇上

御史王學夔巡江御史胡賓侔璠寧俱

爲總兵駐鎮江慶園璠良于崇明之南

良爲其下所殺○宣府巡撫楚書請營修邊

垣墩臺命發馬價銀三萬予之○御史包節請罷張

璠璠疑爲王廷相所嫉遂許廷相不宜與道流唐珠

珊往來受其房中秘術廷相亦奏珠珊老年瑱髻璠

嘗稱其預知遷除事而乃以罪臣是同浴而笑僕也

上曰璠廷相俱朕簡用其各盡乃職給事中張堯

年論璠世居京師親屬環布請託日多宜改璠別用

不聽。

五月工尚書溫仁和奏曰。近年大工浸廣。爲費不貲。內自慈寧宮。外自壽宮等役。共用過六百三十四萬七千八百九十餘兩。帑藏已竭。工費無紀。開納應者。累月不及萬計。何異掬蹄涔而沃龜坼也。承天所請。又一百七十餘萬。不知何以應之。上命會戶兵二部區畫。

秋七月增湖廣解額至九十人。○虜酋哈刺喚糾俺答。凡祿吉囊青台吉。負十日糧入塞。比報至。虜已過順聖川。總兵白爵遇于水泉兒。敗歸。副總兵雲冒又

敗績于馬連堡。虜駐塞內兩月，徐徐出塞。

八月，賊入大同叛卒李天章、高懷智統夷衆入塞，由井陘，入雁門，破寧武關，入崞嵐，交城、汾州、文水諸處殺掠萬計。遇大同卒，以所掠遺之，求假道焉。山西巡撫陳講告急，言賊多華人，悉知險易，宜大援兵，觀望不戰，故敢于橫肆。章下兵部，璲置之。○虜犯定邊，適守將醉，虜夜登陴，遂深入。大掠固原，總制劉天和聞變，率精騎九千，馳至花馬池，召醉帥斬之，以徇。分檄諸鎮兵合擊，會天大雷雨，虜弓膠解，馬蹙蹙，淖中不能去。于是延綏、周、尚文擊其左，寧夏任傑擊其右。

固原魏時障其前。天和大兵躡其後。強弩大礮四百  
合擊虜大敗。斬首五百。驍卒張奴兒殺吉囊一子。捷  
聞。上大悅。卽軍中加太子太保。子世錦。承千戶。巡  
按呂光洵陞俸一級。巡按以邊功叙錄始此。本兵張  
瓚加少保。輔臣言少師鑿少保。  
九月壬子。熒惑入南斗。數日乃退。

冬十月。水土金三星聚于角。○南科臣楊雷劾尚書  
張瓚錢如京。溫仁和不報。○顧鼎臣卒。贈太保。謚文  
康。

十一月。毛伯溫大集兵境上。諭莫登庸父子皆束身

來歸待以不灰登庸。遣使詣轅門言願出境歸降。  
躬聽。伯溫許之。約日爲壇于鎮南關內設幕府。  
以待。已灰登庸乃習其衆福海守國與姪文  
明及其下阮如桂等四十人入關各尺粗繫頸詣壇  
下匍伏稽首納款書復詣轅門獻所籍土地軍民數  
目還所侵欽州四峒境土請奉正朔及舊賜印章伯  
溫宣諭威德稱制赦之令歸國待命。○以陶仲文爲  
秉一真人知道錄事禮部尚書尋加少保仲文黃岡  
人以吏起家官海州庫大使以方術召見宮中有巨  
蟒仲文以水喫之蟒縛劔而死以是得幸。

十二月戊午太白經天○上嘗不御朝贊善羅洪先  
司諫唐順之較書趙時春請以來歲元日皇太子御  
文華殿受百官朝賀上曰朕方疾遂欲儲貳臨朝  
是必君父不能起者洪先等狂悖浮躁姑從寬黜爲  
民○湖貴之間有蜡爾山東隸鎮溪篁子坪屬辰州  
西隸銅仁平頭屬銅仁府西北接川之酉陽初篁子  
坪土官田典爵以事繫辰州獄諸苗賂脫之已而興  
醇淫虐復逐之遂嘯聚以叛銅仁以苗民負欠租稅  
督責土官平頭土官挈印逃諸苗騷然共保蜡爾山  
計之不克奉命起家起萬鏜開府辰州

二十一年春正月御史楊爵奏曰天下之患莫大於  
旱危爲安實可憂而以爲可樂也去年自夏秋不雨  
歷冬無雪憂旱之切遠近所同而大學士言以元旦  
微雪爲靈瑞而稱頌之欺天罔人不已甚乎翊國勛  
中外皆知其惡使其潛干政柄群小趨附此任用匪  
人之過也邇來饑饉相仍小民委命丘壑此誠節用  
惜財與民休息之時而土木之興十年於此又差官  
遠修雷壇以一方士之故糜民膏血而不卹昔隋以  
盛修宮室亡國此興作結怨之過也陛下嘗以敬一  
箴頒示天下矣朝儀間闕經筵不御朝參未得一觀

大顏敷奏未得一聆天語。此渙散人心之過也。方士  
執左道以惑衆。聖王所必誅者。今乃金紫遍於羽流。  
畀以保傅之職。取百世之譏。此損國體之過也。楊最  
言出而身亡。羅洪先以言罷斥。忠臣結舌。讒諂盈廷。  
此阻抑言路之過也。願念祖宗創業之艱難。思今日  
守成之不易。察臣忠恟。賜之施行。上覽之怒。逮之  
詔獄。時中外以言爲諱。而爵所論皆人所不敢言者。  
爵陝西人。平生清介絕俗。居獄中。惟推演易義而已。  
在獄拷掠幾死。尉卒蘇宜私顧之。得活。逮之日。京城  
大風。人呼爲楊爵風。○大計群吏叅政王愼中以不



謹削籍。蓋夏言惡之。特旨斥逐云。

二月毛伯溫疏稱莫登庸束身歸罪。黎寧譜系不詳。乞宥納登庸。因送莫文明諸人至京。廷議如伯溫言。上命罷其國王號。降爲都統使司。以登庸爲都統使。

三月錄用舊臣李廷相唐龍等。○賜沈坤等進士。○郭勛信方士段朝用以所煉銀製食器以獻。上悅之。朝用復自進銀萬兩助工。授紫府仙真高士。已試其術不驗。其徒王子巖許之。執付鎮撫司拷問。而朝用所化銀皆以幻術盜之助幣者也。上由是惡勛。

夏四月辛酉初昏陰雨驟至大雷雹以風忽震火起

仁廟烈風噓之燬其主延及成祖主亦燬群廟

一時蕪盡獻廟獨存上奉列聖主於景神殿遣

大臣詣長陵獻陵告題成祖仁宗主亦奉景神

殿下詔罪已科道胡汝霖聶靖李乘雲劾翟鑾嚴嵩

郭勛聞災不疾赴救時鑾等方供事內壇先詣災所

令內臣亟捧神主以出汝霖等初未之知上曰群

小乘機中傷可嘆命俱外謫○科臣戚賢等因災變

陳言有所彈劾薦引上曰李廷相戴儒原係科道

所舉乃自相背戾王畿爲學小人專擅薦引懷奸植

黨亦令外謫。○李鳳來奏六事，執治體，明治功，正紀綱，慎刑獄，禁暴斂，重水利。張潮亦奏六事，抑奔競，重恩典，惜人稅，廣廢遺。公舉刺懲貪墨，皆採納之。○劉繪奏黃河南徙，徐呂二洪涸淺，乞濬丁家道口及汶濟諸泉，以通漕。

五月，南京國子祭酒鄒守益自劾求退，命削籍去。○雲南人錢世賢初以福建僉事賊敗，爲御史包節論黜，及節按雲南，世賢率僮路辱之，節以聞，命收世賢論戍。

六月，莫登庸死，以制命授其孫福海。伯溫班師已而

福海不能輯衆。爲黎寧所逐。居南海上。朝廷置不問。  
秋七月。晉府宗人表相秦府宗人惟燧。各以賂嚴嵩。  
求襲已絕郡王。邏卒執晉宗行賂人。晉府故郡王妃。  
使人擊登聞鼓奏訴。上令行撫按勘實。嵩不問。○  
朶顏普華蘭台求益貢。華蘭台把兒孫。兄子也。時時  
寇掠漁陽邊。人不得耕牧。至是挾北虜求益貢。毛伯  
溫奏請許之。○夏言罷。

八月 昭聖皇太后張氏崩。上謚曰孝康敬皇后。

九月京山侯崔元成國公朱希忠並召見燕語。元乘  
間發郭勛罪惡。上領之。都察院奏其奪軍民田廬。

上怒令勛自言狀。收其黨孫灃、鞠問。詞連駙馬謝詔、英國公張溶、惠安伯張鏞、都御史胡守中。亦劾勛怨望不忠。輕勅書不欲領受。勛三上章自理。曰：臣實不敢怨望。刑科臣高時復言：勛罔利無厭，奪故太監蕭敬莊田，值金二十萬，奪太監魏彬田廬。太監韋霽、甯瑾田園各值二十餘萬。至於結納亡命，託爲腹心，構事婪財，軍民切齒。春秋更卒領班官各索贖金，而又私役京卒，裒取月廩。張延齡包藏禍心，勛與交通，爲之經紀其家，存心何爲。上曰：勛受朕恩眷，出群臣上，乃交結逆囚，槩可知矣。卽逮繫，按覈以聞。○吉

遣我叛人石大爵來求入貢。上疑之，廷議以

繼祖總督宣大，發銀九十萬兩，遣官從繼祖調度，紀

驗。上勅天爵至鎮，繼祖縱天爵逸去。吉囊遂率衆

入塞，三關總兵丁瑋逆戰於右胡嶺，歿之。虜入關，遊

擊周宇禦之於侯城村，亦戰歿。虜遂越太原而南，殺

掠人畜數萬。京師戒嚴，吉囊出，俺答復入，大掠石州。

繼祖坐守不出。周尚文邀吉囊於黑山，殺其子滿罕。

冬十月，夏言初以議太子母服制忤旨，削官。至是上

禦虜十四策，復命以少傅入閣。○南科道王燁劾張

瓚與郭勛同罪，章下部。○郭勛下鎮撫司行五萬金

賂署司孫綱。綱爲錄纖微事。傅爰書以上。尋下刑部。郎中錢德洪據綱所簿。予以輕比。尚書吳山從之。掌都察院毛伯溫劾綱納賄行私。如勦大罪非一。皆隱飾不舉。情本故出。法當並論。山惟憑成案。德洪事理不達。俱宜加懲。命逮綱付部。德洪付鎮撫司。山奪俸。山吳江人。非。禮部吳山。○初鹽法開中。有常股法。需次支掣。有存積法。以待不次之需。皆商人輸金邊帑。就運司掣鹽行幣。旣而有餘鹽法。令輸金運司。就塲收鹽。與常股鹽並掣。夾運以鬻。自餘鹽行。而存積廢。運司積無幾。而邊帑日虛。良法益壞。戶兵部集議。請設都御史。

一員專理四運司鹽法。科臣郭鑿言官不必設宜革  
餘鹽。上曰變壞成法起於餘鹽私鹽充斥邊餉不  
充職此之由卽禁革之以復舊法。戶部覆查兩淮六  
十九萬六千三十引兩浙四十四萬四千七百六十  
九引長蘆六十萬五千三百四十八引近歲增派悉  
除。○御史浦鉉按陝西至富平得楊爵事母至孝居  
鄉峻潔大行時爵繫獄未釋鉉上書爲爵申理上  
怒命官尉逮之。○戶主事晉江周天佐亦疏救爵曰  
陛下以盡言直諫爲小人則爲緘默逢迎之君子  
不難也。疏上詔答六十下獄守者梏之絕食三日歿。



以急病聞。時天佐弱冠甫娶。梏歿屍棺置寺。民有張  
弼者素不相識。奠而哭之。聞者悲嘆焉。明年正月。浦  
鉉亦逮。至詔管一百。與爵同。梏鎖七日歿。○南科王  
燁奏曰。張瓚嚴嵩胡守中皆與郭勛結納。互爲奸貪。  
守中近因勛敗。抗疏列勛。始附勢以罔利。終尾敗以  
脫禍。此小人之尤。而任以薊州兵務。不堪也。

十一月命侍郎張漢賑山西被虜州縣。○副使胡松  
上禦虜十二策。內有條議充實三關兵馬。上善之。  
吏部轉松爲叅政。在三關備用。自行已策。然叅政無  
兵柄。竟以不效斥罷。蓋當事者有意擠之云。○陝西

人劉達殺人亡命虜中爲酋真定人王儒被掠去隸  
達部下易名哈兒爲達訶事塞內都御史曾銑執之  
○刑部再論翊國公郭勛殺人斬罪長繫待決尋度  
死獄中當 上南巡時勛與顧鼎臣居守獨勛不受  
中外餽遺爲人所難故 上終念之

十二月逮胡守中詔獄初守中以御史扈從南巡頗  
著風力尋郭勛薦其才進副都御史兼詹事媮事勛  
奴孫淮極其諂見勛敗復反籓之薊遼督臣缺 上  
簡用守中以兵侍郎兼詹事往建來遠樓藉以威虜  
盡砍潮河川樹木撤喜峯口藩蔽自詡爲功請 上

賜樓名。上命御史查覈禮科章允賢劾之。且言其拜勛為義父。出妻相見。遂下獄論死。斬於西市。○南城民李華妻胡氏。其姑易與隣人私。欲并污之。胡不從。為所掩殺。事聞。命立祠。賜額致祭。

壬寅二十一年春正月。吏科徐熿奏劾邊撫陳講。史道

龍大有徐嵩孫。禮異儒無用。可為寒心。總督樊繼祖擁百萬之餉。連四鎮之甲。坐視應。朔任虜出入。非以身殉國者。若山東巡撫曾銑。山西叅政於敖。副都御史張景華。原任都御史韓邦奇。陳九疇。試有成效。不敢厚誣。天下無人也。宜去者不去。宜用者不用。是為

可憂耳。疏下兵部，寢不行。○議修大同邊垣，龍大有謂外邊遠不可築，內邊又難爲力，俱乞停止。兵部覆曰：邊墻界限，尺寸皆金湯，圯壞年久，永無恢復之日矣。河套棄而陝右多事，西海棄而甘肅多事，大寧棄而薊州多事，三岔河棄而遼東多事，不可不慮。上曰：修邊乃防禦要務，但去歲虜得利去，茲秋必來，宜以整兵爲急。

二月，樊繼祖罷。陳諱史道俱削籍。○召翟鵬還。○虜

掠蘭州。○城臨清從曾銑奏也。

○以邊報踵至，復命翟鵬爲兵部侍郎總督宣大。

夏四月翟鵬至鎮以餉爲請大學士言謂樊繼祖買積芻粟尙未動支如何在在空虛命覈之科臣楊傑奏曰宣大二鎮內發帑金不爲不多而胡守中輩漁獵其間是宜詳覈但鵬奏孔棘俟覈明接濟恐客兵變生不聽中旨復罷鵬黃總制官

五月清紀郎周鈇請豫防虜不報鈇尋謫外○御史戴維帥以事笞兵馬碎其所懸牙碑兵馬奏聞上以御史不諳憲體謫都事兵馬居職如故時上嚴明故典刑秩然若近來卑官如所爲則臺省共魚肉之矣

力俺答入大同塞時吉囊已歿其子板不孩居套  
中小王子不及兒駐威寧海上俺答糾之入經朔州  
破雁門關掠太原而南京師戒嚴○夏言有罪上  
爲諭一通刊示臺諫畧曰朕承天命裁理天下求一  
真才夾輔不可得夏言脅君助惡縱恣成性往歲令  
高忠代獻玉器又獻女子朕詰忠曰祖宗家法何如  
爾敢交結文臣耶言又於禁中乘輿詰之乃云橫板  
朕以香葉巾皮帛履賜言乃拒不受朕不早朝言亦  
不赴內閣王言慎密豈宜人臣視如戲具此等鉅惡  
言官豈有不知不聞糾發於是科道沈良才喬佑等

建疏劾言言亦上疏自劾遂削籍去

秋七月己酉朔日食既○復以翟鵬提督宣大偏保  
○廷議懸賞格斬俺答頭者予千金無應者俺答擁  
衆越太原列營汾河大掠州縣時翟鵬未至我師連  
營不相統攝皆觀望不戰虜大衆駐平遙介休間散  
騎入山落中擄男女牛羊衣襪迤邐就大營莫敢邀  
擊者○虜整衆且歸副總兵張世忠自侯城村躡之  
力戰諸將閉營莫援虜集精騎圍之世忠衆暴創步  
鬪虜衆亦歿傷會世忠軍矢及火藥俱盡短兵接虜  
益集團世忠腦中二矢歿部將張宣張臣皆歿○虜

乘勝分掠定襄五臺。乃從廣武出關。自大同左衛及陽和塞去。駐內地三十四日。掠三十八州縣。○大計臺諫官共七十三人奪級補外。

八月以嚴嵩爲大學士。仍掌部事。科道沈良才童漢臣劾嵩貪淫猾惡。以爲輔臣。是小人而乘君子之器也。南京科道王燁陳紹等各劾嵩貪婪久著。若處具瞻之地。是樹天下之貪標也。不報。○下西筭惑掩南斗。

九月吏部許讚以邊用不足。請復開餘鹽。○部李汝圭議可。詔行之。○工部郎劉魁請緩雷殿工作。杖四



十繫詔獄

冬十月御史謝瑜疏言堯舜誅四凶以幾百年之治

陛下於四凶已誅其二矣所謂四凶郭勛胡守中

張璘嚴嵩也○科道童漢臣伊敏生翰駉劾嵩不已

嵩乞罷上勉留之○官婢楊金英等候上於熟

寢以粗束喉幸誤爲灰結喉氣得不絕張金蓮走告

皇后后馳至解粗上乃獲甦后命太監張佐高

忠捕訊得金英同謀八人首謀則寧嬪王氏也端妃

曹氏有殊色爲上所鍾愛實不與謀而闖及之人

以爲寃張金蓮事露方告更有徐秋花等數人翌日

上猶不能言。后傳命悉磔於市。按古婦人無刑。刑亦不在市。時變起倉卒。促成於中官。法司不得爭也。上後知妃死。念之。族金英等家。

十一月張瓚卒。以毛伯溫代爲尚書。伯溫以瓚有貪。屬請邊類多債帥。乃上疏禁將領培剋營伍。命刊榜禁諭。

十二月司業王同祖請改元以延聖曆。上惡其佞。黜之。

二十二年春正月丙午朔日食。○給事中陳棊請行大闢大射禮。命寢行。

給事中蘇應旻言。大治以南賦役煩重。災害相仍。乞免差官驗擾。勅撫按如式督造。不報。

夏四月。嚴嵩解禮部事。嵩既入閣。百官有所建白。必先白嵩。嵩諾而後敢上。於是苞苴爭轉其門。翟鑾不能奔走群競。而以位軋嵩。二相於是。有隙。是時邊鎮文武賈啓周尚文。不相得。上命奪尚文一階。改啓別用。而翟鵬與張鳳。趙廷瑞與尚文。復不和。上皆兩責之。給事中周怡奏曰。風教之大。禮讓爲先。大臣有動色之爭。則攻闕之禍。流於下。今鑾嵩憑藉寵靈。

市恩修怨。各私陳背詆。是大臣已不和矣。嵩威靈氣焰。凌逼有司。中外之臣。不畏陛下。而畏嵩。鑿勢不足。驅人而名位足。爲嵩閹。尚書許讚。世掌銓衡。小心謹畏。不能銷權勢。要求之心。靡亦甚矣。大臣不和。則儉邪乘間。非國之福。邊方警急。而文武大臣不相和。同其不僨。事敗謀。吾不信也。上曰。怡謂群臣不和。負君兆禍。其言良是。第謂朕日事禱祀。不務和德於上。心主訕上。下詔獄。○尚書許讚疏。訐鑿嵩囑托。以所與選郎王與齡書封進。曰。臣等抗違罪積如山。權奸主於中。而鷹犬和於外。臣等不爲選郎王嘉賓之達。

黜得爲御史謝瑜之回籍幸矣。伏望省論二輔。渾厚博大。容臣等少盡職業。上手批曰。所奏固欲革求免之意。汝等果一帖不受。亦不必有此訐發。縱獲私賄。但當奏決。何爲便言曰。權奸中引嘉賓瑜之名。懷私忿怨明矣。必王與齡協持報復耳。與齡着爲民衛帥。阿嵩意遣官崔偵與齡。與齡辭朝後還寓所。惟瓶罐數器遺之隣人。徑上馬去。相與喟嘆爲奇男子。

秋八月虜入榆林

九月張壁尚書禮部。○嚴嵩摘山東試錄中諷。上語奏之。命速監試葉經至京。杖之。死於闕下。經蓋嘗

以受表袖惟憶賄劫嵩者。

冬十月虜入陝西○旌石州歿難民十三人孝子張均父爲賊殺抱父屍泣三日歿張丞相負母以逃爲虜所執與母俱歿于博母爲虜得博奮氣取石擊賊母得逸去賊剖博心殺之張永安持挺救父父逸永安被創歿溫繼宗護父棺力戰中矢歿白氏郭氏擊賊救夫創歿吳氏馮氏賀氏溫氏被執不屈歿李氏從夫歿皆一時著奇節云。

十一月復太廟合饗制○削貴州巡按魏洪冤籍亦坐試錄訛舛也。

甲辰二十三年春正月徵諸鎮兵戍大同  
三月賜秦鳴雷等進士

夏六月災感犯南斗○刑科臣王交王克日奏劾詹  
事江汝璧修撰沈坤編修彭鳳歐陽喚員外郎高節  
朋私通賄大壞制科大學士鑿二子汝儉汝孝聯中  
鄉會崔奇勲焦清同業師友四人俱在鳳房喚助鳳  
尋卷及坤之取陸焯節之取彭謙汪一中皆以納賄  
并論順天主考秦鳴夏浦應麒阿奉鑿罪上怒嚴  
責杖汝璧鳴夏應麒六十革職鑿及二子削籍蓋嚴  
嵩嫉鑿位已上故嗾言官論之陸焯乃受職舍人非

試職也。冒進科場。連中。卒以都督炳弟。陰庇之。竟免奪名。雖聖主無奈。權臣何也。

秋七月。加陶仲文少傅。兼少保。

八月。許讚。張璧。爲大學士。熊浹。尚書吏部。費家禮。部。九月。虜入大同塞。翟鵬却之。○朶顏侵薊州。巡撫許論。擒其導賊。斬之。○虜潛令叛人入京。習發佛郎機。獲誅。○巡撫朱方。請撤諸鎮防秋兵。

冬十月。虜大入關塞。翟鵬不能禦。上怒朱方。請撤太早。命逮鵬。及方。尋杖方。及郎中韓勗於廷。方勗俱死。鵬與毛伯溫削籍。以翁萬達總督宣大軍務。



十一月加陶仲文少師兼傅保。○叛卒王三指揮王鐸子吉囊妻以部女。頻年爲虜導悍甚。軍卒劉伏玘與三舊識。僞爲酤酒業。移家塞垣下。誘三下馬歡飲。醉而縛之。并其黨三人。邊害遂除。巡按李天寵以聞。詔磔之。傳首各邊。上歸功玄威。故加仲文官。

十二月戴金尚書兵部。○萬鏜征湖貴苗。四年不能克。乃誘致苗帥龍某來見。龍要千戶爲質。乃來鏜執而殺之。苗亦殺其千戶。因遣所隸土目詣巢撫之。徧以牛粟仍官其魁龍許保。遂奏苗平。班師。

乙巳二十四年春正月廿。肅總兵咸寧侯鸞捷奏至。自

言一日五捷。斬吉囊子狼台吉。兵部疑之。請行勘覈。  
上特加鸞太子太保。○山西巡按陳豪奏曰。北虜  
三犯山西。殺掠百萬。此不可以常寇目也。二三年間。  
來則未能拒之。去則未能擊之。何用六百萬帑金之  
費。諸臣建議。不過曰屯守險隘而已。不知虜衆皆攀  
巖蠃附而來。邊垣又何足恃。多我亡命爲嚮導。星術  
機械。咸足爲彼區畫。無復忌讐。患將何底止。○戴金  
罷唐龍代之。

三月大計京官。○收原賜勲戚福德寺等旅舍。

夏五月壬戌朔日食。○嚴嵩恨王燁前劾。令所私尚

賈丞諸傑。貽書考功郎薛應旂使黜之。應旂執其使。欲奏聞尚書張潤止之。已而傑以前任南兵部穢迹。黜有常州守符驗。亦坐前任御史事黜。嵩乃令御史桂榮劾應旂以私怨黜常州守。應旂改外。○楚王顯格素薄其世子英燿。雖服飾鮮麗。必責跪伏汗壞之。積釁非一日。至愛妾復生幼子。漸有奪嫡之勢。而英燿狎比群小王。先以燿匿奸宮人杖殺陶元。又以燿潛納樂婦。欲殺劉金。群小皆懼。勸燿先發。謀以上元邀王賞燈。集其黨田堯張六兒軟血盟。執銅瓜木挺。蒙以假面。伏緝熙堂後。日甫申。王至。酒數行。從者以

次設食引去。燿令放砲。金等從王後擁出。六兒以爪碎王首。椎槌亂下。立歿。王從者朱貴告變。通山王英炊陰奏燿弑逆。詔駙馬鄔景和等按之。武岡王顯槐具揭燿如通山王言。獄具。告於皇祖。斬英燿。燬其屍。

六月。允給事中陳棐奏撤去帝王廟元世祖神主。及其臣木華黎五人。并去南京廟中世祖像。削宋訥所撰碑。初。修撰姚涑請罷世祖祀。禮臣言世祖一代之治。有足稱者。自古帝王優崇勝國。以昭忠厚。太祖膚斷。必有所見。遵舊制便。至是以邊患故。始議撤。

徐學謨曰。歷數之傳。雖有華夷之辯。要皆天命所屬。雖曰夷狄。自不能廢之矣。宋人正閏之說。尤爲無謂。

秋七月。太廟成。復同堂異室之制。卜日奉安神主。序昭穆。皇太子攝行祀禮。御史周冕請上親饗。上以其違命。下詔獄。○套虜二萬騎。自寧塞堡潰牆入。殺掠人畜數十萬。時延綏游兵。俱徵赴宣。大防秋。故虜入無禦者。詔逮總督張珩。巡撫張子立。謫戍。八月。虜寇大同。○張壁卒。

冬十一月。大學士許讚以王與齡事與嵩有隙。及進

內閣心不自安。屢疏乞休。吏尚書熊浹自諫。仙忤旨。上屢以事督過之。奪俸者再。亦稱病乞休。時上於西苑。久不視朝。常疑人訕之。見二人求去。大怒。命護閉住。浹爲民。○山東巡按鄭芸奏。成事許達。前在樂陵禦寇功。進其子千戶瑒。世官一級。

十二月召夏言入閣。有勸言勿出者。言不聽。○唐龍尚書吏部。路迎兵部。○楊爵周怡劉魁久繫獄。有仙降箕。請釋三人。上允放歸。而尋悔。命復逮之。爵至家。方一日。按至。爵曰。吾知之。卽與同飯。飯糲不堪。爵嚼自若。食已。立屏前。曰。有旨逮吾行矣。卽攬袂行。與

怡魁復同繫。又三年冬，日爵籌易與怡魁飲，日須盡此杯，明日出矣。是日大高玄殿火，火中恍呼爵名者，遂併釋爲民。爵歸，有異鳥集里舍，爵曰：大鳥至矣，其爲我乎？自爲墓誌而卒。爵嘗求父母誌文於呂柟，單騎行百里，不享一飯，俟脫稿徑去。

丙午二十五年春正月，南科臣游震得言考功郎薛應旂公忠任事，不避怨尤，而以謗譏補外，非所以勸勤也。尚書唐龍覆言：應旂疾惡去姦，昭然耳目，詔復京秩。

夏四月，指揮陶鳳儀歿於賊。鳳儀曾祖成，按察副使。

祖魯布政使。世以蔭叙用。軍功顯名。以歿殉事者。○  
保德州崔鑑。年十四。其父私於隣婦。逐其母。鑑忿。手  
刃隣婦。獄具。上特免鑑罪。○湖廣巡按包節。抑太  
監廖斌之橫。杖殺其所庇豪周章。斌遂奏節謁陵。不  
以元旦進膳。不行旁立。爲大不敬。奏發而節始奏斌  
前事。上怒其抵飾。逮京問戍。  
六月。路迎罷。陳經代之。

秋七月。戶尚書王杲請收山場湖陂河道之稅。以濟  
邊用。○文選郎高簡引用私黨何遷。茅坤爲給事。楊  
上林劾及簡。出補叅政。御史陳九德追劾之。命逮



獄論戍尚書唐龍坐削籍。○虜入保安塞大掠延慶。總督曾銑請復河套條八議以上。○周用尚書吏部。八月甘肅巡撫傅鳳翔初爲叅政時畫圖著論籌邊。遂擢僉都御史。不兩月而改江西給事中楊宗器劾之。言其借籌邊以躡取巡撫而一籌未布遽改內地。宜黜之以抑巧競。

九月西番貢使八百餘人入嘉峪關。傅鳳翔不知所計。館之於甘州。鳳翔去。楊博代爲巡撫。始疏聞。上命量留數人。餘令出關。奪鳳翔俸。○罕東屬夷舊爲十一番所逼。內徙入關。王瓊處之肅州近郊。漸爲民患。

巡撫楊博召其酋長善諭之爲之擇水草善處築白  
城威虜金塔諸城去塞五百里諸夷樂徙積患頓消  
○河西屯地久廢博請於朝墾畱畜者勿科租佃者  
貨牛噐穀種人爭應令跡龍首渠故道分疏支瀆墾  
田萬餘頃簡壯卒田之謹烽燧勤偵候虜不敢輒至  
嘗一入寇拒塞上不得入斬虜首四十餘級  
冬十月虜寇遼陽

十二月尚書陳經覆議曾銑復套疏上曰虜據河  
套久爲內患曾銑所奏其見壯猷還令同鎮巡官務  
求長策暫發銀二十萬兩以爲邊餉造械之用○代

充灼以... 謂充灼當有天下。爲之畫計。召虜酋小王子兵入。以大同城居之。遣兵攻雁門。其黨王廷榮內應。取平陽。立充灼爲主。將胡兵四討。然後計殺小王子。充灼以爲然。使廷璽出約。廷榮刻印曰。天子師俊。棄俊。棧各受令。造火箭。燒城外各草場。二日內。六處火起。總督翁萬達疑之。緝捕四門。驗治。其黨次仲。太知衛。奉曉虜語。使誘小王子。奉至威寧海。遇小王子部察罕兒。與之約。還告充灼。使張文博爲表。并所置一色旗。令奉持往。總兵周尚文行邊。詢知有四人出。惟而追。

之及奉於榆林口。得其表文旗幟萬達密啓代玉收  
充灼等。而分捕叛者。廷重仰藥。从械充灼俊桐等八  
人至京。勒令自盡。燬其屍。俊棄等發高墻。逆黨悉磔。  
○張延齡胡守中棄市。○加周尚文太保翁萬達左  
都御史

丁未二十六年春正月山西巡撫楊守謙疏請經理營  
田以充兵餉。

二月福清民馮淑等三百四十人收繒綺諸貨泛海  
往日本貿易。大風飄于朝鮮。爲候吏所執。以白國王。  
王使使送至遼東。巡按張鐸奏聞。上令御史查覈。

福建海道官奏處

三月論吏部曰邊方多事任用要在得人爾部胥心選用撫按不時刺舉以憑黜陟其別立選用陞遷資格○賜李春芳等進士○汶上民田斌其妻通於妖僧惠金嘯聚數千人流劫曹濮間黨與日衆

夏四月四川白草蠻作亂全蜀震動總兵何卿討平之○僉都御史楊宜提督南京糧儲物議沸騰科臣張汝棟劾去之革督儲都御史○俺答求入貢總督翁萬達奏之御史黃汝桂言虜情狡詐貢亦寇不貢亦寇上命絕之各邊嚴兵防禦○田斌流劫日久

南掠徐宿治河役卒格鬪敗之。追兵繼至，乃就擒。山東巡撫何鰲以聞。上責鰲不能解散，以至騷動。河淮不准行賞，逮下詔獄，尋削籍。

五月，曾銑出塞襲虜，截斬二十六人，生擒一人，奪馬牛九百五十，夷器八百。初，銑春中掩虜喪失甚衆，匿不敢聞。至是以捷聞。上嘉賞之。○科臣馬錫劾奏：戶尚書王杲、巡倉御史艾朴私受運司官黃正大賄，委員外余善紀稱納低銀。上怒，下杲、朴詔獄。問杲辯奏善紀所收八萬六千，退出萬一千低銀，並未呈部通賄事，乞與該科回質。戶科臣厲汝進等言：兩淮

解銀之初副使張祿廣通關節如太常少卿嚴世蕃  
總督尚書王暉皆有請託宜窮治太學士嵩疏言汝  
進等欲以贓罪污職臣故借臣子世蕃肆其巧詆  
上怒杖汝進八十餘杖六十降邊縣典史張祿王暉  
黜爲民杲朴邊戍善紀降一級調外杲歿於戍所人  
皆寃之

徐學謨曰杲素稱謹厚而嵩護其子乃委罪於部  
臣至激上怒九卿之體陵夷盡矣刑尚書聞淵  
雅負物望亦惟阿古成獄而已後來權臣類揜子  
惡傾家敗俗而不顧惜哉

周用卒聞淵尚書吏部○吏科臧珊言會推大臣務  
求詢謀僉同尚書毋得自執吏部請從其議上曰  
用人係吏部職掌毋得輒先論列待其不効指實具  
劾

徐學謨曰萬曆以來京堂缺吏部密請於首輔其  
人已定則具揭通送閣下明旨推止應故事而  
已弘治間吳寬以尚書管內閣話勅會推吏部寬  
辭曰久在閒局不能關防萬一蒙簡是速敗也於  
是吏部別推可見當時閣臣原不預部事送揭之  
例起於嘉靖然吳山在禮部未嘗以一揭送閣隆



慶後絕無矣。

山高安人

六月加陶仲文特進柱國兼支大學士俸。○南京守備太監丘得爲科臣雷賀所劾命充淨軍。○曾銑劾總兵仇鸞科斂士卒阻撓軍機。上以秋防在即命奪俸。○命朱統巡撫浙江兼攝福建。統未至而倭船百餘入船寧波台州有衆數千登岸殺掠。巡按裴紳以聞勅統嚴泛海通番。○朱統至浙微知沿海大姓皆利番船勾連土藏貴家尤甚。凡夷舶至爭致其家虛值轉鬻其貨牟利潤已久不歸值夷衆怒時時構難有所殺傷。統下令嚴海禁凡雙檣餘艘一切毀之。

因奏言去外夷盜易去中國盜難去中國群盜易去中國衣冠之盜難列貴官家渠魁姓名請戒諭不報秋七月延綏守禦官李越誘殺貢夷貢夷遇伏發沒軍甚衆巡按盛唐奏收越等鞫訊論越及裨將陳守節各斬

冬十月曾銑會同三邊巡撫謝蘭楊守謙王邦瑞及三鎮總兵叅酌復套方畧上聞因上營八圖及河套與地圖上嘉與之○兀良哈糾建夷寇遼東○巡城御史陳其學劾奏錦承都督陸炳蠹亂鹽政復劾崔元縱容廝養權取官鹽大學士言欲下捕治炳

權行金求間不得。乃長跪輸罪乃已。下旨令炳元各  
自言狀。各服罪乞恩釋之。○陝西澄城山崩。分馳東  
西三四里。○仇鸞鎮守甘肅。前以銑奏奪俸。益狂悖  
無忌。銑復奏曰。將官有地方軍馬之任。而鸞自副總  
兵而下。索兼金寶馬。以百千計。又侵尅衛所月糧。并  
班軍銀兩。私役軍匠。日且百人。去歲果園堡之捷。輒  
報狼台吉爲我敵。今狼台吉故在也。隨從輿臺。盡帶  
功次。一鎮洶洶。上大怒。命逮至京。訊巡撫楊博奏鸞貪暴三十事。  
奏鸞大失番夷心。六事。巡撫楊博奏鸞貪暴三十事。  
兵部覆奏八命十餘。賊私鉅萬。詔御史覈實具狀。

月。米望自友氏別議。考烈。論曰。虜虜  
。年念無任事之臣。一。明遠之。曾鏡所上。方  
。即結忠以國。所消。